

եկամուտներ, քանի որ կ'ունենայ առատ բերքեր բերող շատ տեղեր եւ մշտապէս կը պահէ 15-ից մինչեւ 20 հազար զօրք, իսկ Թիւրքիայի կամ Պարսկաստանի դէմ պատերազմ լինելու դէպքում, ժամանակի ընթացքում նա ի վիճակի կը լինի զօրծաղբել մինչեւ 60,000 եւ աւելի զօրք:

«Բացի դրանից, հայ ազգը կարող է պարտաւորուել հարկաւոր դէպքերում, Ռուսաստանին տալ այնքան զօրք, որքան կարող կը լինի ամէն մի անգամ եւ միշտ երախտապարտ կը մնայ Ռուսաստանին իր փրկութեան եւ վերականգման համար:

«Թուրքաց պետութիւնը ժամանակի ընթացքում կը զգայ այս փոփոխութեան շնորհիւ առաջացած մեծ կորուստը թէ՛ իր ժողովրդի եւ թէ՛ եկամուտները: Իսկ առեւտուրը Պարսկաստանի եւ Ռուսաստանի միջեւ, որը երբեք ցանկալի բարձրութեան հասած չի եղել, Հայաստանում եւ Պարսկաստանում խաղաղութիւնը հաստատուելուց յետոյ, կը հասնի ցանկալի դրութեան, որից Ռուսաստանը միլիոններ զուտ կը ստանայ»:

1780 թ. Յունուարի 13-ին էլ Սուլտորովը տեսակցութիւն ունեցաւ Արզութեանի հետ յատկապէս Ղարաբաղի մելիքների մասին, որից յետոյ Սրբազանը մի մանրամասն տեղեկազիր ներկայացրեց Սուլտորովին Ղարաբաղի մելիքներու մասին, որը տպագրուած է «Գործեր»-ու մէջ, 52-63 էրեսներում:

Այս ամենից պարզ երեւում է, որ Հայաստանի ազատութեան հարցը դիւսնագիտօրէն միանգամայն հասունացած էր: Հայերը պատրաստ էին ամէն տեսակ զոհողութեան, իսկ ռուսներն էլ իրենց հերթական քաղաքական հարցերից մէկն էին նկատում այդ: Մնում էր, որ պայմանները հնարաւորութիւն տային Հայաստանի ազատութիւնը իրականացնելու:

Եւ այդ նպատակաւոր պայմանները շուտով հանդէս եկան:

9.

Նազիր Շահից յետոյ՝ Պարսկաստանը նորից խռովութիւնների մատնուեց: Այդ բանից օգուտ քաղելով, Եկատերինան զօրք ուղարկեց եւ նորից գրաւեց Դերբենդը, Բազուն եւ Շամախին, որ Նազիրը յետ էր առել ռուսներից:

Ղարաբաղի մելիքների մէջ նորից բոցավառուեց ազատութեան յոյսը եւ նրանք վերըստին իրենց աչքերը Ռուսաստանի վրայ դարձրին: Զրարերդի մելիք Մէջլումը, Գիւլիստանի մելիք Արովը եւ Դիզակի մելիք Բախտամը, ուսն զօրծակալների խոստումներից յորդորուած, Գանձասարի Յովհաննէս կաթողիկոսի գլխաւորութեամբ, հաւատարմութեան երզմանադրեր ուղարկեցին ռուսաց տէրութեանը (1787 թ.):

Իբրահիմ խանը, Փանահ խանի որդին, այս բանն իմանալով, կաթողիկոսին թունաւորելու եւ մելիքների երկրները քարուքանդ արաւ: Անհամար հայեր կատաղի խանի սրին զոհեղան. շատերն ստիպուեցին ուրանալու քրիստոնէութիւնը եւ կամ գաղթեցին դէպի ռուսական երկրները — Դերբենդ, Ղլար, Աստրախան եւն. (Ս. Պալասանեան՝ «Պատմ. Հայոց», եր. 680):

Կասպիականի ափերը գրաւելուց յետոյ՝ ռուսական զօրքը Մոզդուկից ու Ղլարից պիտի արշաւէր դէպի Անդրկովկաս՝ ոչնչացնելու Իբրահիմ խանին եւ Ղարաբաղից ու Ղարաբաղից հայկական մէկ պետութիւն կազմելու, Ռուսաստանի հովանաւորութեան ներքոյ: Հայկական այս պետութեանը պիտի տրուէր մի այնպիսի կազմակերպութիւն, որ միւս տեղերի հայերն էլ նրա օրինակին հետեւելով, նոյնպէս ձգտէին անկախութեան:

Հայերի եւ մասնաւորապէս կաթողիկոսի համակրութիւնը շահելն էր հաւանօրէն պտուտը, որ Արզութեանը անշուշտ Պօտեմկինի ներշնչմամբ, էջմիածին ուղարկեց բժ. Յակովբ Քէյնէզսին1), որը ճանապարհ ընկաւ Պօտեմ-

1) Բժ. Քէյնէզսը գերմանացի էր, ծնուած Մերդերուրդի Այսլեբէն քաղաքում, 1744-ին: Աշխարհներ տեսնել փափաքելով, թողեց իր հայրենիքը եւ 1776-ին ճանապարհորդեց Վենետիկ, Պոլիս: Այստեղից էլ գնաց Թոքատ, Կարին եւ Կարսի վրայով Պարսկաստան, յատկապէս էջմիածինը տեսնելու համար: Գոհ սրտով հեռացաւ էջմիածնից, «աշխարհի դուցէ այդ ամենալաւ անկիւնից», հետեւելով վրաց Հերակլ թագաւորի հրաւերին: Վերջինս մօտ, Թիֆլիսում, նա մնաց մէկ ու կէս տարի, որ-